

ՀՀ Հատուկ քննչական ծառայության  
Պետ՝ Վահրամ Շահինյանին

Պատճենը՝

ՀՀ Հատուկ քննչական ծառայության  
Քննիչ՝ Ս. Բաբայանին

Դիմումատուներ՝

Հեղինե Հարությունի Պետրոսյանի ներկայացուցիչներ՝  
Արթուր Ալբերտի Սաքունց և Արայիկ Միքայելի Զայան  
ք. Վանաձոր Տիգրան Մեծ 59

### ԴԻՄՈՒՄ

(2013թ. դեկտեմբերի 10-ի թիվ 62202513 քրեական գործով վարույթը կարճելու մասին որոշումը և  
կարճված գործի նյութերի պատճենները տրամադրելու պահանջի մասին)

2013թ. դեկտեմբերի 18-ին դիմողներին կողմից ներկայացվել է միջնորդություն թիվ 62202513 քրեական գործով Հայկ Մովսիսյանին տուժող, Հեղինե Պետրոսյանին տուժողի իրավահաջորդ ճանաչելու պահանջների մասին:

2013թ. դեկտեմբերի 24-ին վերը նշված միջնորդությանը ի պատասխան ստացվել է պատասխան գրություն, ըստ որի հայտնել էք, որ թիվ 62202513 քրեական գործով վարույթն 2013թ. դեկտեմբերի 10-ին կարճվել է:

Սույն գործի շրջանակներում բազմաթիվ դիմումներ, միջնորդություններ, բողոքներ են ներկայացվել Հայկ Մովսիսյանին տուժող ճանաչելու, իսկ նրա մորը տուժողի իրավահաջորդ ճանաչելու պահանջներով, որոնք բոլորն էլ մերժվել են:

Հաշվի առնելով այն կարևորագույն հանգամանքը, որ ՀՀ բոլոր մարդիկ հավասար են օրենքի առջև և հիմք ընդունելով այն, որ Հայաստանի Հանրապետությունում վճռաբեկ դատարանը իրավակիրառ պրակտիկա ձևավորող մարմին է ևս մեկ անգամ ներկայացնում ենք ՀՀ վճռաբեկ դատարանի Տուժողի հասկացության վերաբերյալ իրավական դիրքորոշումը թիվ ԵԿԴ/0077/11/12 գործով.

որոշման 25-րդ կետում, ըստ որի քրեական դատավարությունն իրականացվում է ոչ միայն հանցագործությունը բացահայտելու և մեղավորներին քրեական պատասխանատվության ենթարկելու, այլև հանցագործության արդյունքում տուժողի իրավունքների և օրինական շահերի պաշտպանությունն ապահովելու նպատակով: Այլ խոսքով՝ տուժողի իրավունքների և օրինական շահերի պաշտպանության ապահովումը հանդիսանում է քրեական դատավարության կարևորագույն խնդիրներից մեկը: Վկայակոչված որոշման 26-րդ կետում Վճռաբեկ դատարանն արձանագրում է, որ քրեական դատավարության ընթացքին տուժողի (տուժողի իրավահաջորդի) մասնակցությունը մի

կողմից անհրաժեշտ նախապայման է վերջինիս իրավունքների և օրինական շահերի պաշտպանությունն ապահովելու համար, մյուս կողմից, նպաստում է քրեական գործի հանգամանքների բազմակողմանի, լրիվ և օբյեկտիվ հետազոտմանը: Քրեական վարույթում անհնար է իրականացնել դատավարական իրավունքներ և պարտականություններ՝ առանց դատավարության մասնակից լինելու, իսկ հանցագործության հետևանքով վնաս կրած անձի դեպքում արդյունավետ մասնակցությունը հնարավոր է միայն վարույթն իրականացնող մարմնի կողմից վերջինիս տուժող ճանաչելու վերաբերյալ որոշում կայացնելուց հետո:

Տուժող ճանաչելու քրեադատավարական կարգին վերաբերող դրույթների համադրված վերլուծության արդյունքում կարելի է եզրահանգել, որ օրենսդիրը նշված դատավարական ակտի կայացման համար անհրաժեշտ նախապայման է համարում հանցագործության արդյունքում անձին բարոյական, ֆիզիկական կամ գույքային վնաս պատճառված լինելու կամ այդպիսի վնաս պատճառելու հավանականության հաստատումը, ինչը, սակայն, չի կարող մեկնաբանվել այնպես, որ անձին տուժող ճանաչելու համար անհրաժեշտ լինի հանցակազմի բոլոր տարրերի հաստատում կամ վնաս պատճառելու վերաբերյալ սպառիչ տվյալների հավաքագրում:

Վկայակոչված որոշման 27-րդ կետում, վճռաբեկ դատարանը մեկնաբանելով ՀՀ քրեական դատավարության օրենսգրքի 182-րդ հոդվածի 1-ին մասի դրույթները, ՀՀ վճռաբեկ դատարանն արձանագրել է, որ եթե իրավասու պաշտոնատար անձը որոշում է կայացնում քրեական գործ հարուցելու մասին, ապա նա ձեռք բերված տվյալները բավարար է համարում հանցագործության փաստի (հանցակազմի օբյեկտիվ կողմի և օբյեկտի) առկայությունը հաստատված համարելու համար: Իսկ եթե քրեական գործ հարուցելու փուլում հայտնի է դառնում ենթադրյալ հանցագործությունից տուժած անձը, ապա վարույթն իրականացնող մարմինը պարտավոր է վերջինիս ճանաչել որպես տուժող և ներգրավվել գործի քննությանը: Համանման կերպով, քրեական գործ հարուցելու փուլում վարույթն իրականացնող մարմինը մահացած կամ իր կամքն արտահայտելու ունակությունը կորցրած տուժողի մերձավոր ազգականներից մեկին պետք է ճանաչի տուժողի իրավահաջորդ, եթե նա այդպիսի ցանկություն է հայտնել:

Սույն պարագայում արդեն իսկ հարուցված է եղել քրեական գործ, որը ստացել է թիվ 62202513 քրեական գործի հերթական համար:

Վերը վկայակոչված դատական ակտում առկա պատճառաբանությունները հիմք են տալիս եզրակացնելու, որ Հայկ Մովսիսյանը հանդիսացել է թիվ 62202513 քրեական գործով տուժող, իսկ Հ. Պետրոսյանի և նրա ներկայացուցիչների դիմումների մերժումները եղել են կամայական և անօրինական:

ՀՀ քրեական դատավարության օրենսգրքի 262-րդ հոդվածի 1-ին մասի համաձայն քննիչը քրեական գործով վարույթը կարճելու և քրեական հետապնդումը դադարեցնելու մասին որոշման պատճենն ուղարկում է կասկածյալին, մեղադրյալին, պաշտպանին, ինչպես նաև տուժողին, նրա ներկայացուցչին (.....): Նույն հոդվածի 2-րդ մասի համաձայն՝ պարզաբանվում է գործի նյութերի հետ ծանոթանալու նրանց իրավունքը և վարույթը կարճելու ու քրեական հետապնդումը դադարեցնելու մասին որոշման բողոքարկման կարգը:

Նույն հոդվածի 3-րդ մասի համաձայն՝ իրավունք է վերապահում նաև կարճված գործի նյութերին ծանոթանալու համար:

ՀՀ քրեական դատավարության օրենսգրքի 263-րդ հոդվածի 1-ի մասի համաձայն՝ քրեական գործով վարույթը կարճելու կամ քրեական հետապնդումը դադարեցնելու մասին որոշումը դրա պատճենը ստանալու պահից 7 օրվա ընթացքում կասկածյալի, մեղադրյալի, ամբաստանյալի, նրանց պաշտպանների, տուժողի, նրա ներկայացուցչի, (...) կողմից կարող է բողոքարկվել վերադաս դատախազին:

Ելնելով վերոգրյալից և հիմք ընդունելով այն հանգամանքը, որ տուժողի իրավունքների և օրինական շահերի պաշտպանության ապահովումը հանդիսանում է քրեական դատավարության կարևորագույն խնդիրներից մեկը դիմում եմ Ձեզ՝ 2013թ. դեկտեմբերի 10-ի թիվ 62202513 քրեական գործով վարույթը կարճելու մասին որոշումը և կարճված գործի նյութերի պատճենները տրամադրելու պահանջով:

Կից ներկայացվում է՝

1. Հ. Պետրոսյանի կողմից Ա. Զալյանի և Ա. Սաքունցին տրված լիազորագրի պատճենը.
2. Ա. Զալյանի և Ա. Սաքունցի անձնագրերի պատճենները:

Դիմողներ՝



Հեղինե Պետրոսյանի ներկայացուցիչներ՝  
Ա. Սաքունց



Ա. Զալյան

28. 12. 2013թ.

Լ Ի Ա Ջ Ո Ր Ա Գ Ի Ր

Հայաստանի Հանրապետություն, քաղաք Երևան  
Երկու հազար տասներեք թվականի հունիսի քսանվեցին

Ես, Հայաստանի Հանրապետության քաղաքացի Ջեյրան Հարությունի Պետրոսյան, ծնված 08.03.1972թ. (հազար ինն հարյուր յոթանասուներկու թվականի մարտի ութին), անձնագիր AN 0481794 տրված 049-ի կողմից 21.05.2013թ., հաշվառված Հայաստանի Հանրապետություն, քաղաք Հրազդան, Վանատուր թաղ. տուն 552 ( հինգ հարյուր հիսուներկու ) հասցեում լիազորում եմ Հայաստանի Հանրապետության քաղաքացիներ Արթուր Արևրտի Սարունցին, ծնված 22.05.1961թ. ( հազար ինն հարյուր վաթսուներկ թվականի մայիսի քսաներկուսին ), անձնագիր AM 0460612 տրված 018-ի կողմից 05.10.2011թ., հաշվառված Հայաստանի Հանրապետություն, քաղաք Վանաձոր, Գր. Լուսավորիչի 21 ( քսանմեկ ) շենքի, 23 ( քսաներեք ) հասցեում ն/կամ Արայիկ Միքայելի Զալյանին, ծնված 07.02.1969թ. ( հազար ինն հարյուր ութսունհինգ թվականի փետրվարի յոթին ), անձնագիր AI 0384205 տրված 018-ի կողմից 18.12.2001թ., անձնագրի վավերականության ժամկետը երկարաձգված է մինչև 18.12.2016թ., հաշվառված Հայաստանի Հանրապետություն, քաղաք Վանաձոր Ներսիսյան ճր. 6 ( վեց ) շենքի, 40 ( քառասուն ) հասցեում ՀՀ Բր. դատավարության օրենսգրքով նախատեսված բոլոր իրավունքներով և պարտականություններով ներկայացնել տուժող Հայկ Արտավազի Մովսիսյանի իրավահաջորդի շահերը, լինել իմ ներկայացուցիչը պետական և ոչ պետական մարմիններում, լինել իմ ներկայացուցիչը բոլոր ատյանների դատարաններում, ՀՀ Բաղ.Պատ.Օր-ի 42 հոդվածի 1-9 կետերով սահմանված բոլոր լիազորություններով, այդ բոլոր որպես իմ օրինական ներկայացուցիչը իմ անունից հանդես գալ և կատարել անհրաժեշտ գործողություններ քաղաքապետարանում, քաղապետարանում, ՄԱԿ-ի ծառայությունում, նոտարական գրասենյակում, քաղաքացիական կացության ակտերի գրանցման մարմիններում, անշարժ գույքի կադաստրի պետական կոմիտեում, ինչպես նաև ֆիզիկական անձանց առջև այն բոլոր իրավունքներով, որոնք վերաբերված են հաշգիտին, պատասխանողին, երրորդ անձին, տուժողին, հանձնել և ստանալ փաստաթղթեր, բողոքարկել և գանգատարկել դատարանի որոշումներն ու վճիռները, կատարել մուծումներ, տալ իմ անունից դիմումներ, ստորագրել հայցադիմումը այն հանձնել դատարան, հանձնել արբիտրաժային դատարան, միջնորդություններ կատարել, կնքել հաշտության համաձայնություն, ամբողջովին կամ մասնակի հրաժարվել հայցային պահանջից, հանդես գալ դատական ակտերի կատարման հարկադիր փուլում, բողոքարկել հարկադիր կատարողի գործողությունները և որոշումները, փոխել հայցի առարկան, կամ դրա հիմքը, իմ անունից կատարողական թերթ ներկայացնել և հետվերցնել, հարկադիր կատարողի գործողությունների դեմ բողոքարկել, ստանալ փաստաթղթեր, ստորագրել իմ փոխարեն և կատարել այն բոլոր գործողություններ որոնք կապված են սույն հանձնարարության հետ:

Ես, վկայում եմ, որ գործունակության մեջ սահմանափակված չեմ, իմ նկատմամբ չկա սահմանված խնամակալություն և հոգաբարձություն :  
Լիազորագիրը տրված է իմ կողմից կամավոր :

Լիազորագիրը տրված է երեք տարի ժամկետով առանց վերալիազորման իրավունքի :

Լ Ի Ա Ջ Ո Ր Ա Գ Ի Ր  
Ջեյրան Հարությունի Պետրոսյան  
Ջեյրան Հարությունի Պետրոսյան

Մուսկոբյան Կարեն

Հայաստանի Հանրապետություն, քաղաք Երևան  
Երկու հազար տասներեք թվականի հունիսի քսանվեցին  
սույն լիազորագիրը վավերացված է իմ Երևան քաղաքի, Էրեբունի նոտարական  
տարածքի նոտար ԱՆԱՀԻՏ ՂԱԶԱՐՅԱՆԻ կողմից:

Լիազորագիրը ստորագրված է քաղ. Հեղինե Հարությունի Պետրոսյանի կողմից իմ  
ներկայությամբ: Լիազորողի ինքնությունը և գործունակությունը ստուգված են:

Գրանցված է սեղանամատյանում N 4109

Գանձված է պետ.տուրք և ծառայության վճար, համաձայն

Հայաստանի Հանրապետության „Պետական տուրքի մասին“ և „  
Նոտարիատի մասին“ օրենքների

Ն Ո Տ Ա Ր

Ա.ՂԱԶԱՐՅԱՆ





